



**ՀԱՍՏԱՏՈՒՄ ԵՄ**

**«Հավատարմագրման ազգային մարմին»**

**ՊՈԱԿ-ի տնօրեն**

**Ա. Օրոսյան**

(անուն, ազգանուն)

«30» հունիսի 2023 թ.

N 6-ԿՀ հրաման

**ԿԱՌԱՎԱՐՄԱՆ ՀԱՄԱԿԱՐԳ**

**ՏՐԱՄԱՋԱՓԱՐԿՄԱՆ ԼԱԲՈՐԱՏՈՐԻԱՆԵՐԻ  
ՀԱՎԱՏԱՐՄԱԳՐՈՒՄԸ**

**Հավելված PR-7/ACL-01**

**ՄՇԱԿԵԼ Է**

**Կառավարման համակարգի մենեջեր**

**Ն. Արզարյան**

(անվան., ազգանուն, ստորագրություն)

**ՍՏՈՒԳԵԼ Է**

**Հավատարմագրման բաժնի պետ**

**Ն. Համբարձումյան**

(անվան., ազգանուն, ստորագրություն)

**ՀԱՄԱՁԱՅՆԵՑՎԵԼ Է**

Փորձարկման և տրամաչափարկման լաբորատորիաների  
խորհրդատվական տեխնիկական կոմիտեի հետ

Գործարկման թվականը 04.07.2023թ.

## Բովանդակություն

|                                                                                                           |                              |
|-----------------------------------------------------------------------------------------------------------|------------------------------|
| 1 ԿԻՐԱՌՄԱՆ ՈԼՈՐՏԸ.....                                                                                    | 3                            |
| 2. ՆՈՐՄԱՏԻՎ ՎԿԱՅԱԿՈՉՈՒՄՆԵՐԸ .....                                                                         | 3                            |
| 3. ՏԵՐՄԻՆՆԵՐԸ և ՍԱՀՄԱՆՈՒՄՆԵՐԸ.....                                                                        | 4                            |
| 4. ՏՐԱՄԱԶԱՓԱՐԿՄԱՆ ԼԱԲՈՐԱՏՈՐԻԱՅԻ ՀԱՎԱՏԱՐՄԱԳՐՄԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐԸ.....                               | 8                            |
| 4. ՏՐԱՄԱԶԱՓԱՐԿՄԱՆ ԼԱԲՈՐԱՏՈՐԻԱՅԻ ՀԱՎԱՏԱՐՄԱԳՐՄԱՆԸ ՆԵՐԿԱՅԱՑՎՈՂ ՀԱՏՈՒԿ ՊԱՀԱՆՁՆԵՐԸ.....                        | 10                           |
| 4.1 ՄԱՍՆԱԳՐԻՆ ԿԱՄ ՍՏԱՆԴԱՐՏԻՆ ՀԱՄԱՊԱՏԱՍԽԱՆՈՒԹՅԱՆ ՎԵՐԱԲԵՐՅԱԼ ՀԱՅՏԱՐԱՐՈՒԹՅՈՒՆԸ.....                          | 10                           |
| 4.2 ՈՐՈՇՄԱՆ ԸՆԴՈՒՆՄԱՆ ԿԱՐԳԸ .....                                                                         | 10                           |
| 4.3 ԿԱՐԾԻՔՆԵՐ և ՄԵԿՆԱԲԱՆՈՒԹՅՈՒՆՆԵՐ ՆԵՐԿԱՅԱՑՆԵԼԸ.....                                                      | 11                           |
| 4.4 ՄԻՋԼԱԲՈՐԱՏՈՐ ՀԱՄԵՄԱՏՈՒԹՅՈՒՆՆԵՐԻՆ ՄԱՍՆԱԿՑՈՒԹՅՈՒՆԸ.....                                                 | 12                           |
| 4.5 ՀԱՎԱՏԱՐՄԱԳՐՄԱՆ ՀԱՅՏԸ և ԿԻՑ ՓԱՍՏԱԹՂԹԵՐԸ.....                                                           | 14                           |
| 4.6 ՓԱՍՏԱԹՂԹԵՐԻ ՓՈՐՁԱՔՆՆՈՒԹՅՈՒՆԸ.....                                                                     | 14                           |
| 4.7 ՏԵՂՈՒՄ ԳՆԱՀԱՏՈՒՄԸ .....                                                                               | 15                           |
| 5 ԳՆԱՀԱՏՈՒՄՆԵՐԸ .....                                                                                     | 20                           |
| 5.1 ՊԱՐԲԵՐԱԿԱՆ ԳՆԱՀԱՏՈՒՄԸ .....                                                                           | 20                           |
| 5.2 ԱՐՏԱՀԵՐԹ ԳՆԱՀԱՏՈՒՄՆԵՐԸ.....                                                                           | 21                           |
| 5.3 ՀԱՄԱՊԱՏԱՍԽԱՆ ՈՐՈՇՄԱՆ ԿԱՅԱՑՈՒՄԸ.....                                                                   | 21                           |
| 5.4 ՀԱՎԱՏԱՐՄԱԳՐՄԱՆ ԶԱՓԱՆԻՇՆԵՐԻ ՓՈՓՈԽՈՒԹՅՈՒՆԸ, ԱՅԴ ԹՎՈՒՄ՝ ՀԱՎԱՏԱՐՄԱԳՐՄԱՆ ՆՈՐ ՍՏԱՆԴԱՐՏԻՆ ԱՆՑՈՒՄԸ .....      | 21                           |
| 6 ՎԵՐԱՀԱՎԱՏԱՐՄԱԳՐՈՒՄԸ (ՀԵՏԱԳԱ ՀԱՎԱՏԱՐՄԱԳՐՈՒՄԸ).....                                                       | 21                           |
| 7 ՀԱՎԱՏԱՐՄԱԳՐՄԱՆ ՈԼՈՐՏԻ ԸՆԴԱՅՆՈՒՄԸ, ԱՐԴԻԱԿԱՆՑՈՒՄԸ, ԿՐՃԱՏՈՒՄԸ, ՀԱՎԱՏԱՐՄԱԳՐՄԱՆ ԿԱՍԵՑՈՒՄԸ և ԴԱԴԱՐԵՑՈՒՄԸ..... | 22                           |
| 7.1 ՀԱՎԱՏԱՐՄԱԳՐՄԱՆ ՈԼՈՐՏԻ ԸՆԴԱՅՆՈՒՄԸ.....                                                                 | 22                           |
| 7.2 ՀԱՎԱՏԱՐՄԱԳՐՄԱՆ ՈԼՈՐՏԻ ԱՐԴԻԱԿԱՆՑՈՒՄԸ.....                                                              | 23                           |
| 7.3 ՀԱՎԱՏԱՐՄԱԳՐՄԱՆ ՈԼՈՐՏԻ ԿՐՃԱՏՈՒՄԸ.....                                                                  | 23                           |
| 7.4 ՀԱՎԱՏԱՐՄԱԳՐՄԱՆ ԿԱՍԵՑՈՒՄԸ, ԴԱԴԱՐԵՑՈՒՄԸ.....                                                            | 24                           |
| 7.5 ՀԱՎԱՏԱՐՄԱԳՐՄԱՆ ՎԵՐԱԿԱՆԳՆՈՒՄԸ.....                                                                     | 24                           |
| 8. ԲՈՂՈՔԱՐԿՈՒՄԸ և ԳԱՆԳԱՏՆԵՐԸ .....                                                                        | 24                           |
| 9. ՏՐԱՄԱԶԱՓԱՐԿՄԱՆ ԼԱԲՈՐԱՏՈՐԻԱՅԻ և ԱՐՄՆԱԲԻ ՊԱՐՏԱՎՈՐՈՒԹՅՈՒՆՆԵՐԸ.....                                        | 24                           |
| 10. ՀԱՎԵԼՎԱԾՆԵՐԸ .....                                                                                    | ERROR! BOOKMARK NOT DEFINED. |

## **1. Կիրառման ոլորտը**

Սույն փաստաթուղթը սահմանում է «Հավատարմագրման ազգային մարմին» ՊՈԱԿ-ի (այսուհետ՝ ԱՐՄՆԱԲ) կողմից իրականացվող տրամաչափարկման լաբորատորիաների հավատարմագրման, պարբերական/արտահերթ գնահատման, հավատարմագրման ընդլայնման, կրճատման, վերականգնման, կասեցման, դադարեցման, արդիականացման, վերահավատարմագրման ընթացակարգը և կանոնները:

Սույն փաստաթուղթը հանդիսանում է PR-7 հիմնական փաստաթղթի հավելված, որը ներառում է տվյալ տեսակի համապատասխանության գնահատման մարմնի հավատարմագրման այն պահանջներն ու ընթացակարգը, որոնք սահմանված չեն PR-7-ով:

## **2. Նորմատիվ վկայակոչումները**

Առանց տարեթվի վկայակոչված փաստաթղթերը կիրառելի են միայն վերջին հրատարակությամբ: Սույն փաստաթղթում վկայակոչված են հետևյալ փաստաթղթերը՝

ԳՕՍՏ ԻՍՕ/ԻԷԿ 17025 Փորձարկման և տրամաչափարկման լաբորատորիաների իրազեկությանը ներկայացվող ընդհանուր պահանջներ,

ՀՍ 8.11 Չափումների միասնականության ապահովման ազգային համակարգ. Չափագիտություն. Տերմիններ և սահմանումներ,

ՋCGM 200 Չափագիտության միջազգային բառարան – Հիմնական և ընդհանուր հասկացություններ և համապատասխան տերմիններ (VIM)

PR-7 Հավատարմագրման ընթացակարգը,

PL-05 Որակավորման ստուգմանը (PT), միջլաբորատոր համեմատություններին մասնակցելու վերաբերյալ քաղաքականություն,

PL-06 Չափագիտական հետևելիության վերաբերյալ քաղաքականություն,

EA-4/02 Տրամաչափարկման մեջ չափման անորոշությունների արտահայտումը,

EA-4/21 Լաբորատորիայի հավատարմագրման գործընթացի շրջանակում փոքր միջլաբորատոր համեմատությունների համապատասխանության գնահատման ուղեցույց,

EA-4/23 INF Կարծիքների և մեկնաբանությունների գնահատումը և հավատարմագրումը՝ կիրառելով ԻՍՕ/ԻԷԿ 17025:2017

ILAC-G8 Պահանջներին համապատասխանության վերաբերյալ հաշվետվության կազմման ուղեցույց

ILAC-G24 Չափման միջոցների տրամաչափարկման հաճախականության որոշման ուղեցույց,

ILAC-P9 ILAC-ի քաղաքականությունը որակավորման ստուգման գործընթացին մասնակցության վերաբերյալ,

ILAC-P10 ILAC-ի քաղաքականությունը չափման արդյունքների հետևելիության վերաբերյալ,

ILAC-P14 ILAC-ի քաղաքականությունը տրամաչափարկման անորոշությունների վերաբերյալ,

AC-4.6 Հավատարմագրման ընդհանուր չափանիշները և փաստաթղթերի ցանկը,

«Հավատարմագրման ազգային մարմնի պատկերանիշի և հավատարմագրման նշանի կիրառման կարգ» հավատարմագրման խորհրդի 2012 թ.-ի նոյեմբերի 23-ի N 2 որոշում

EA-ի և ILAC-ի փաստաթղթերը տեղադրված են հետևյալ կայքերում՝

EA: <http://www.european-accreditation.org/>, ILAC: <http://www.ilac.org/>:

### **3. Տերմինները և սահմանումները**

3.1 Սույն ընթացակարգում կիրառված են «Հավատարմագրման մասին» ՀՀ օրենքով, ԳՕՍՏ ԻՍՕ/ԻԷԿ 17000, ԳՕՍՏ ԻՍՕ/ԻԷԿ 17011, ԳՕՍՏ ԻՍՕ/ԻԷԿ 17025, ՀՍՏ

8.11 ստանդարտներով, JCGM 200 փաստաթղթով, PR-7 ընթացակարգով սահմանված, ինչպես նաև հետևյալ տերմիններն ու սահմանումները՝

**Տրամաչափարկում՝** գործողությունների ամբողջություն, որի միջոցով որոշակի պայմաններում որոշվում է տրամաչափարկվող չափման միջոցների չափվող արժեքների բաշխման տիրույթն աշխատանքային չափանմուշների կամ չափանմուշային չափման միջոցների համեմատությամբ.

ԾԱՆՈԹՈՒԹՅՈՒՆ 1. Տրամաչափարկումը կարող է արտահայտվել հայտարարությամբ, տրամաչափարկման ֆունկցիայի, դիագրամի, կորի կամ աղյուսակի միջոցով:

ԾԱՆՈԹՈՒԹՅՈՒՆ 2. Տրամաչափարկումը չպետք է շփոթել չափման միջոցի կարգաբերման հետ, որը որոշ ոլորտներում հաճախ սխալմամբ կոչվում է «ինքնատրամաչափարկում», ինչպես նաև տրամաչափարկման կարգավիճակի ստուգման (համեմատման) հետ:

**Ներքին տրամաչափարկում՝** տրամաչափարկում, որի արդյունքները զգալիորեն ազդում են լաբորատորիայի Տրամաչափարկման և չափման հնարավորությունների (CMC-ի) վրա, սակայն ներառված չէ հավատարմագրման ոլորտում (որպես այդպիսին չի կարող առաջարկվել որպես հավատարմագրված տրամաչափման ծառայություն) և որն իրականացվում է լաբորատորիայի անձնակազմի միջոցով սեփական չափման միջոցների չափագիտական հերևելիությունն ապահովելու նպատակով:

ԾԱՆՈԹՈՒԹՅՈՒՆ 1. Ներքին տրամաչափարկումը պետք չէ շփոթել ինքնատրամաչափարկման/ինքնակալիբրավորման հետ, օրինակ գոյություն ունեն անալիտիկ կշեռքներ, որոնք ունեն ներկառուցված տրամաչափարկման բեռ, որի միջոցով ինքնատրամաչափարկվում է՝ սեղմելով համապատասխան CAL կոճակը:

ԾԱՆՈԹՈՒԹՅՈՒՆ 2. Ներքին տրամաչափարկում կարող են իրականացվել օրինակ սերտիֆիկացված ստանդարտ նմուշներով (CRM) կամ կշեռքների համար ճշտության դասը ապահովող համապատասխան կշռաքարերով՝ ըստ OILM R 111-1:

**Չափանմուշ (էտալոն)**՝ չափման էտալոն, որը նախատեսված է այլ չափման միջոցների տրամաչափարկման համար տվյալ կազմակերպությունում կամ վայրում տվյալ տեսակի ֆիզիկական մեծության համար (JCGM 200):

**Աշխատանքային չափանմուշ (աշխատանքային էտալոն)**՝ չափանմուշ, որն օգտագործվում է ամենօրյա կիրառվող չափման միջոցների կամ չափիչ համակարգերի տրամաչափարկման կամ ստուգաչափման համար (JCGM 200).

ԾԱՆՈԹՈՒԹՅՈՒՆ 1. Աշխատանքային չափանմուշը սովորաբար տրամաչափարկվում է չափանմուշով (էտալոնով):

ԾԱՆՈԹՈՒԹՅՈՒՆ 2. Ստուգաչափման հետ կապված երբեմն օգտագործվում են նաև «ստուգման ստանդարտ» կամ «հսկողության ստանդարտ» տերմինները:

**Ստանդարտ նմուշ (reference material RM)**՝ մեկ կամ մի քանի վերագրված հատկությունների նկատմամբ բավականաչափ համասեռ և կայուն նյութ, որը հաստատվել է չափման գործընթացում ըստ նպատակային նշանակության օգտագործելու համար

ԾԱՆՈԹՈՒԹՅՈՒՆ 1. Ստանդարտ նմուշը ընդհանուր հասկացություն է:

ԾԱՆՈԹՈՒԹՅՈՒՆ 2. Հատկությունները կարող են լինել քանակական կամ որակական, օրինակ, նյութերի կամ միացությունների նույնականացումը:

ԾԱՆՈԹՈՒԹՅՈՒՆ 3. Կիրառումը կարող է ներառել չափման համակարգի տրամաչափարկում, չափման ընթացակարգի գնահատում, այլ նյութերին արժեքների վերագրում և որակի հսկողություն:

ԾԱՆՈԹՈՒԹՅՈՒՆ 4. ԻՍՕ/ԻԷԿ Ուղեցույց 99:2007-ն ունի նմանատիպ սահմանում, սակայն սահմանափակում է քանակական արժեքների վրա «չափում» տերմինի տարածումը: Այնուամենայնիվ, ԻՍՕ/ԻԷԿ Ուղեցույց 99:2007-ի Ծանոթություն 3-ում հատուկ ներառված է որակի հատկանիշների վերաբերյալ հասկացությունը, որը կոչվում է «անվանական հատկություններ»:

**Սերտիֆիկացված ստանդարտ նմուշ (certified reference material CRM)**՝ ստանդարտ նմուշ, որին բնորոշ մեկ կամ մի քանի հատկություն սահմանված է չափագիտորեն հիմնավորված (գործող) ընթացակարգով, որն ուղեկցվում է ՄՆ սերտիֆիկատով, որտեղ տրված է այդ հատկության արժեքը, դրա հետ կապված անորոշությունը և չափագիտական հետևելիության մասին հավաստումը

ԾԱՆՈԹՈՒԹՅՈՒՆ 1. «Արժեք» հասկացությունը ներառում է անվանական հատկություն կամ որակական հատկանիշ, որը բնորոշ է նույնականությանը կամ

հաջորդականությամբ: Նման հատկանիշների անորոշությունները կարող են արտահայտվել որպես հավանականություններ կամ վստահության մակարդակներ:

**ԾԱՆՈԹՈՒԹՅՈՒՆ 2.** Ստանդարտ նմուշների արտադրության և սերտիֆիկացման չափագիտորեն հիմնավորված ընթացակարգերը սահմանված են, ի թիվս այլոց, ԻՍՕ Ուղեցույց 35-ում:

**ԾԱՆՈԹՈՒԹՅՈՒՆ 3.** ԻՍՕ Ուղեցույց 31-ում տրված են Ստանդարտ նմուշստանդարտ նմուշների սերտիֆիկատների բովանդակությանը ներկայացվող պահանջները:

**ԾԱՆՈԹՈՒԹՅՈՒՆ 4.** ԻՍՕ/ԻԷԿ Ուղեցույց 99:2007-ն ունի նմանատիպ սահմանում:

**Որակավորման ստուգում (PT)**՝ միջլաբորատոր համեմատությունների միջոցով մասնակցի գործունեության նկատմամբ նախնական սահմանված չափանիշների գնահատում:

**ԾԱՆՈԹՈՒԹՅՈՒՆ.** Որակավորման ստուգումները կազմակերպվում են PT պրովայդերների միջոցով:

**Միջլաբորատոր համեմատություն (ILC)**՝ միևնույն կամ մի քանի նմանատիպ օբյեկտների չափման կամ փորձարկման կազմակերպում, կատարում և գնահատում երկու կամ ավելի լաբորատորիաների նախապես որոշված պայմաններին համապատասխան:

**Փոքր միջլաբորատոր համեմատություն (S\_ILC)**՝ միջլաբորատոր համեմատություն, որը կազմակերպվել է յոթ կամ պակաս լաբորատորիաների կողմից/միջև:

**Լաբորատորիայի տարածք**՝ սենք, որտեղ իրականացվում են լաբորատոր գործունեությունը, ներառյալ տրամաչափման աշխատանքները: Տարածքը կարող է լինել մշտական, ժամանակավոր, շարժական կամ լաբորատորիայի մշտական տարածքից դուրս կամ հայտատուի տարածքում:

**ԾԱՆՈԹՈՒԹՅՈՒՆ.** Այն վայրերը, որտեղ իրականացվում են տրամաչափարկման գործողությունները, նշվում են Հավատարմագրման վկայականի հավելվածում (հավատարմագրման ոլորտում):

### 3.2 Հապավումները

- ՀՀ՝ Հայաստանի Հանրապետություն,
- ԱՐՄՆԱԲ՝ «Հավատարմագրման ազգային մարմին» ՊՈԱԿ,
- ՀԳՄ՝ համապատասխանության գնահատման մարմին,
- ՀԿ՝ հավատարմագրման կոմիտե,
- EA՝ Հավատարմագրման Եվրոպական համագործակցություն,
- ILAC՝ Լաբորատորիաների միջազգային հավատարմագրման համագործակցություն:

### 4. *Տրամաչափարկման լաբորատորիայի հավատարմագրմանը ներկայացվող պահանջները*

Հավատարմագրման ընդհանուր չափանիշները սահմանված են AC-4.6 փաստաթղթում:

ՀԱՄ-ը հավատարմագրում է տրամաչափարկման լաբորատորիան նրա տրամաչափարկման գործունեության համար:

Հավատարմագրման նպատակով հայտ (համաձայն ACL-01-01 հավելվածի) ներկայացրած լաբորատորիան պետք է համապատասխանի սույն փաստաթղթում նշված հավատարմագրման պահանջներին:

Լաբորատորիան պետք է ներկայացնի իր իրազեկության վերաբերյալ օբյեկտիվ ապացույց, որն անհրաժեշտ է իր գործունեությունն իրականացնելու համար:

Լաբորատորիայի տարածքը (տե՛ս տերմինը) կարող է լինել սեփական կամ վարձակալած, որն ունի պայմանագիր տարածքի սեփականատիրոջ հետ:

ՀԱՄ-ը չի հավատարմագրում այն ոլորտը, որտեղ անձնակազմը տրամաչափարկումը կատարում է պատվիրատուի տարածքում, օրինակ՝ որոշակի տրամաչափարկման պահանջարկի բացակայության կամ չափման միջոցների անսարքության պատճառով:

Եթե լաբորատորիան մինչև հավատարմագրման հայտի ներկայացնելը չի իրականացրել հավատարմագրման ոլորտում նշված տրամաչափարկում արտաքին



պատվիրատուների համար, ապա ՀԱՄ-ը կարող է ընդունել ներքին տրամաչափարկումը և դրա արդյունքները, որոնք իրականացվել են լաբորատորիայի ներքին պատվիրատուների համար: Գնահատման խմբի անդամները տեղում գնահատման ընթացքում գնահատում են լաբորատորիայի տրամաչափարկման գործընթացի արդյունքները և հավատարմագրման պահանջների կատարումը:

Տրամաչափարկման լաբորատորիան չափման միջոցները տրամաչափարկելու համար կարող է կիրառել ստանդարտ մեթոդներ կամ լաբորատորիայի կողմից մշակված ոչ ստանդարտ մեթոդներ: Ոչ ստանդարտ մեթոդները անհրաժեշտ է վավերացնել (վալիդացնել):

Յուրաքանչյուր տրամաչափարկման ընթացակարգի համար լաբորատորիան պետք է նախապատրաստի չափման անորոշությունների գնահատման մեթոդ՝ ըստ EA-4/02, ILAC-P14 փաստաթղթերի: Տրամաչափարկման լաբորատորիան իր իրազեկությունն ապացուցելու համար պետք է մասնակցի որակավորման ստուգման/միջլաբորատոր համեմատություններին (PT/ILC)՝ համաձայն PL-05, ILAC-P9, EA-4/21 պահանջների:

Եթե տեխնիկական սպասարկման աշխատանքները վստահված են արտաքին անձնակազմին (օրինակ՝ տարածքների մաքրում, որտեղ իրականացվում են հավատարմագրված տրամաչափարկման գործողություններ), անհրաժեշտ է լաբորատորիայի կողմից սահմանվի համապատասխան հրահանգներ արտաքին անձնակազմի համար, ներառյալ՝ որոշակի տարածքների կամ հատուկ սարքերի համար գործառնական ցանկացած սահմանափակում:

Արտաքին ծագման փաստաթղթերի (օրինակ՝ ստանդարտներ, մեթոդներ, օրենքներ, կանոնակարգեր) նոր խմբագրությունների դեպքում, եթե այլ բան նշված չէ, լաբորատորիան պարտավոր է կիրառել արդիականացված մեթոդները՝ նոր տարբերակների թողարկման պահից **երեք ամսվա** ընթացքում:

#### **4. Տրամաչափարկման լաբորատորիայի հավաքարմագրմանը ներկայացվող հայտուկ պահանջները**

##### **4.1 Մասնագրին կամ ստանդարտին համապատասխանության վերաբերյալ հայտարարությունը**

Եթե տրամաչափարկման արդյունքների հիման վրա տրվում է մասնագրին կամ ստանդարտին համապատասխանության մասին եզրակացություն, ապա լաբորատորիան պետք է փաստաթղթավորի որոշումը ընդունելու կարգը՝ հաշվի առնելով ռիսկի աստիճանը (օրինակ, կեղծ դրական կամ կեղծ բացասական և վիճակագրական վարկածը), կապված որոշումների ընդունման կարգի հետ:

ԾԱՆՈԹՈՒԹՅՈՒՆ 1. Եթե որոշման ընդունման կարգը սահմանված է հայտատուի կողմից գրավոր կամ նորմատիվ փաստաթղթով, ռիսկի մակարդակի հետագա քննարկում չի պահանջվում:

Համապատասխանության վերաբերյալ հայտարարության օրինակները տրված են ILAC-G8 փաստաթղթում:

Տրամաչափարկման լաբորատորիայի հայտատուի կողմից պահանջվող մասնագրին կամ ստանդարտին համապատասխանության հայտարարությունը պետք է զետեղվի տրամաչափման վկայականի կամ վկայականի անբաժանելի մաս հանդիսացող կից փաստաթղթի վրա: Պետք է հստակ նշվի, թե որ չափման արդյունքներին է վերաբերում համապատասխանության հայտարարությունը, որ մասնագրերով/ստանդարտներով են ստուգվում և կիրառվում որոշման ընդունման կարգը: Այն դեպքում, երբ որոշման ընդունման կարգը սահմանվում է օրենքով, կառավարության որոշումով կամ տեխնիկական ստանդարտով, ապա բավական է նշել դրանց նշագրերը տրամաչափարկման վկայականի վրա:

##### **4.2 Որոշման ընդունման կարգը**

Որոշման ընդունման կարգի սահմանումը ներկայացված է ստորև.

**որոշման ընդունման կարգ** (decision rule)՝ կանոն, որը նկարագրում է թե ինչպես է չափումների անորոշությունը հաշվի առնվում նշված պահանջին համապատասխանությունը հավաստելու դեպքում:

Չափման անորոշությունը կարող է հաշվի առնվել ինչպես ուղղակիորեն՝ պաշտպանիչ գոտիների կիրառմամբ և անուղղակիորեն, օրինակ՝ չափման անորոշության առավելագույն սահման սահմանելով: Լրացուցիչ տեղեկությունների համար տե՛ս ILAC G8 փաստաթղթի օրինակները:

#### **4.3 Կարծիքներ և մեկնաբանություններ ներկայացնելը**

Տրամաչափարկման լաբորատորիան չի կարող դիմել միայն հավատարմագրման կարծիքների և մեկնաբանությունների համար: Հավատարմագրման ոլորտը կազմելիս անհրաժեշտ է առաջնորդվել EA-4/23 փաստաթղթի Բ հավելվածով սահմանված օրինակով:

Կարծիքը և մեկնաբանությունը գործընթացի արդյունք է, որով կարող է ընդլայնվել տրամաչափարկման արդյունքի կիրառելիությունը: Այն ձևակերպվում է տեխնիկապես որակավորված անձի(անձանց) կողմից (տես ԳՕՍՍ ԻՍՕ/ԻԷԿ 17025 ստանդարտի 6.2 կետը և EA-4/23-ը) և հետագա եզրակացությունները արվում են հիմնվելով ստացված արդյունքի վրա՝ օգտագործելով մասնագետի գիտելիքները և մասնագիտական դատողությունը այդ տրամաչափարկման ոլորտում: Կատարված կարծիքը և մեկնաբանությունը պետք է լինի տեխնիկապես հիմնավորված և հաստատվեն ապացույցներով (տես ԳՕՍՍ ԻՍՕ/ԻԷԿ 17025 ստանդարտի 7.5 կետը):

Եթե կարծիքների և մեկնաբանությունների ձևակերպման ժամանակ օգտագործվում է հայտատուի կողմից տրված տեղեկատվությունը, ապա լաբորատորիան պետք է պահպանի համապատասխան գրառումները և տրամաչափարկման վկայականի (սերտիֆիկատի) մեջ հստակ նշի, որ կարծիքներն ու մեկնաբանությունները հիմնված են հայտատուից ստացված տեղեկատվության վրա:

Կարծիքները և մեկնաբանությունները պետք է լինեն տրամաչափարկման վկայականի (սերտիֆիկատի) անբաժանելի մաս և նշվեն «Կարծիքներ և

մեկնաբանություններ» վերնագրով բաժնում: Նրանք չպետք է զետեղվեն որևէ այլ փաստաթղթում կամ հավելվածում:

Կարծիքները և մեկնաբանությունները պետք է հիմնված լինեն միայն նմուշի տրամաչափարկումից ստացված արդյունքների վրա, սակայն կարող են անհրաժեշտ լինել նաև այլ տեղեկություններ՝ ստացված հաշվարկներից, գրականությունից կամ մատենագիտություններից:

Հնարավոր չէ կարծիքներ և մեկնաբանություններ արտահայտել միայն արտաքին լաբորատորիաներից ստացված արդյունքների միջոցով:

#### **4.4 Միջլաբորատոր համեմատություններին մասնակցությունը**

Լաբորատորիան պետք է իրականացնի իր կատարած աշխատանքի որակի ընթացաստուգում՝ համեմատելով այլ լաբորատորիայի արդյունքների հետ: Արդյունքների համեմատությունը իրականացվում է որակավորման ստուգմներին (PT) և/կամ միջլաբորատոր համեմատություններին մասնակցությամբ: Որակավորման ստուգմներին (PT) և/կամ միջլաբորատոր համեմատություններին մասնակցության պահանջը և պարբերականությունը սահմանված է ԱՐՄՆԱԲ-ի PL-05 քաղաքականությամբ, որը տեղադրված է [www.armnab.am](http://www.armnab.am) պաշտոնական կայքում:

Հավատարմագրման ցիկլի ընթացքում անհրաժեշտ է մասնակցել PT/ILC-ներին յուրաքանչյուր չափագիտական ոլորտի համար: PT/ILC-ի մասնակցության պլանը կազմվում է հավատարմագրման ցիկլի համար, որպեսզի հնարավոր լինի գնահատել լաբորատորիայի ամբողջ հավատարմագրման ոլորտը և նշված տրամաչափարկման նմուշի չափման ընդգրկույթի համար անորոշությունը:

ԱՐՄՆԱԲ-ն ընդունում է PT/ILC-ներին մասնակցության դրական արդյունքները՝ հաստատելու համար լաբորատորիաների Տրամաչափարկման և չափման հնարավորությունները (CMC, Calibration and Measurement Capabilities):

CMC-ը, որպես կանոն, ընդլայնված անորոշությունն է, որը սահմանվում է նորմալ պայմաններում տրամաչափարկելիս որպես նվազագույն չափման անորոշություն և ծածկում է մոտավորապես 95 %-ը: Տրամաչափարկման նմուշը

կարող է ներառել ելակետային չափանմուշները (էտալոնները), որոնք օգտագործվել են տրված մեծության չափման միավորը որոշելու, իրականացնելու, պահպանելու կամ վերարտադրելու համար և չափման միջոցները, որոնք օգտագործել են մեծությունը չափելու համար:

Չափման արդյունքներ տրամադրող լաբորատորիան, երբ տրամաչափարկման օբյեկտը դա թույլ է տալիս, չպետք է հայտարարի ավելի մեծ անորոշություն, քան հավատարմագրված և/կամ պահանջվող CMC-ները:

PT/ILC-ի արդյունքները համարվում են բավարար, եթե  $|En| \leq 1$  բոլոր չափման կետերի համար և/կամ  $|En| > 1$ , եթե իրականացվել են համապատասխան ուղղիչ գործողություններ:

PT/ILC-ի հաշվետվությունը չպետք է ներառի միայն  $En$  արժեքը, այլ նաև անորոշությունների հաշվարկը, որը ստացվել է մասնակցած լաբորատորիաների միջև:

PT/ILC-ի արդյունքները և հաշվետվությունը գնահատվում է գնահատման խմբի կողմից տեղում գնահատման ժամանակ:

Լաբորատորիան կարող է փոքրացնել հավատարմագրման ոլորտում նշված CMC-ն այն պայմանով, որ վերջին PT/ILC-ի արդյունքները հաստատեն դրանց ճշտությունը:

ԱՐՄՆԱԲ-ը, հիմք ընդունելով EA-4/21 INF փաստաթուղթը, ընդունում է մասնակցությունը S\_ILCs-ին այն դեպքում, երբ չափագիտական որոշակի ոլորտների համար PT և/կամ ILC կազմակերպիչները հասանելի չեն: Լաբորատորիաները պետք է պահպանեն կատարած վերլուծությունների վերաբերյալ գրառումները՝ ապացուցելու համար PT և/կամ ILC կազմակերպիչների անհասանելիությունը:

Այն դեպքում, երբ տրամաչափարկման լաբորատորիան ստացել է PT/ILC-ի անբավարար արդյունքներ, ապա պետք է իրականացնի ուղղիչ/կանխարգելիչ գործողություններ և դրանց արդյունավետության ստուգում: Հետագա PT/ILC մասնակցության կանոնները նշված են PL-05, ILAC-P9, EA-4/21 -ում և սույն փաստաթղթում:

#### **4.5 Հավատարմագրման հայտը և կից փաստաթղթերը**

Տրամաչափարկման լաբորատորիան ԱՐՄՆԱԲ-ին է ներկայացնում լրացված հայտը և դրան կից փաստաթղթերը՝ համաձայն ACL-01-01 - ACL-01-09 հավելվածների, որոնց ձևաչափերը տեղադրված են ԱՐՄՆԱԲ-ի պաշտոնական կայքում՝ [www.armnab.am](http://www.armnab.am):

Հավատարմագրման հայտի և կից փաստաթղթերի ընդունման, լրակազմի ստուգման, ռեսուրսների վերլուծության և հայտի գրանցման ընթացակարգը սահմանված է PR-7-ում, որը տեղադրված է [www.armnab.am](http://www.armnab.am) կայքում:

Այն դեպքում, երբ կազմակերպության տրամաչափարկման լաբորատորիաները գտնվում են տարբեր գործունեության իրականացման վայրերում, ապա կարող են ներկայացնել հավատարմագրման հայտ՝ հետևյալ պայմանով.

- եթե բոլոր տեխնիկական մասնաճյուղերը տրամաչափարկում են միևնույն նմուշը, ապա կազմակերպությունը կարող է ներկայացնել մեկ հավատարմագրման հայտ՝ ընդգրկելով բոլոր տեխնիկական մասնաճյուղերը,

- եթե յուրաքանչյուր տեխնիկական մասնաճյուղ տրամաչափարկում է տարբեր նմուշներ, ապա յուրաքանչյուր մասնաճյուղ կարող է առանձին հավատարմագրման հայտ ներկայացնել:

#### **4.6 Փաստաթղթերի փորձաքննությունը**

4.6.1 Տրամաչափարկման լաբորատորիայի կողմից համապատասխան վճարումը կատարելուց և գնահատման խումբը հաստատվելուց հետո սկսվում է հավատարմագրման հայտի և կից փաստաթղթերի փորձաքննությունը՝ համաձայն PR-7-ի:

4.6.2 Լաբորատորիան հավատարմագրելու համար ՀԱՄ-ը պետք է վերլուծի ներդրված կառավարման համակարգի փաստաթղթերը՝ հավատարմագրման պահանջներին համապատասխան: Փաստաթղթերի փորձաքննության հաշվետվության ձևը տրված է ACL-01-DR-ում:

#### **4.6.3 Ներկայացուցչական նմուշներ ընտրելու չափանիշները**

Գնահատման պլանը/գնահատման ծրագիրը նախապատրաստվում է գնահատման խմբի ղեկավարի կողմից՝ տեխնիկական գնահատողների/փորձագետների առաջարկությամբ (գրավոր կամ բանավոր)՝ հաշվի առնելով հավատարմագրման ոլորտում նշված գնահատման գործունեության, այդ գործունեության իրականացման վայրի, հավատարմագրման ոլորտի շրջանակում գնահատվող անձնակազմի հետ կապված ռիսկերը, ինչպես նաև հետևյալ չափանիշները՝

- տրամաչափարկման մեթոդի կիրառման սկզբունքը, բարդությունը,
- նմուշառում իրականացնող փորձարկման լաբորատորիաների դեպքում՝ նմուշառման գործընթացը,
- կարծիքները և մեկնաբանությունները, որոնք կիրառելի են տրամաչափարկման լաբորատորիաների համար՝ համաձայն ԳՕՍՏ ԻՍՕ/ԻԷԿ 17025-ի, գնահատվում են առաջին անգամ հավատարմագրման կամ հավատարմագրման ընդլայնման ընթացքում,
- PT, ILC մասնակցության բացասական արդյունքները: Անհրաժեշտ է ներկայացուցչական նմուշն ընտրել այն տեխնիկական ոլորտների համար, որտեղ PT, ILC մասնակցելու հավանականությունը փոքր է կամ բացակայում է,
- տրամաչափարկման լաբորատորիայի գործունեության իրականացման տեղամասերի (մասնաճյուղերի) քանակը, հայտատուի տարածքում տրամաչափարկման իրականացումը,
  - նախորդ գնահատումների արդյունքները,
  - տրված տրամաչափարկման սերտիֆիկատների քանակը,
  - անձնակազմի փոփոխությունը, գանգատները և բողոքները և այլն:

#### **4.7 Տեղում գնահատումը**

4.7.1 Գնահատման նպատակն է հավաստել տրամաչափարկման լաբորատորիայի գործունեության համապատասխանությունը սույն ընթացակարգին, ԱՐՄՆԱԲ-ի փաստաթղթերին, EA, ILAC փաստաթղթերին և այլ կիրառելի ընդհանուր ու ոլորտային նորմատիվ, ստանդարտացման փաստաթղթերին, տրամաչափարկման

լաբորատորիայի կառավարման համակարգի փաստաթղթերին (որակի ձեռնարկ, ԿՀ փաստաթղթեր, ընթացակարգեր, հրահանգներ, անձնակազմի որակավորում և այլն):

4.7.2 Տեղում գնահատման ժամանակահատվածը (օր/մարդ) որոշվում է համաձայն կառավարման համակարգով սահմանված ընթացակարգերի քանակի, տրամաչափարկման օբյեկտի, տրամաչափարկման մեթոդների, գնահատման ենթակա վայրերի քանակի, անձնակազմի քանակի և այլ գործոններ, օրինակ՝ փաստաթղթերի փորձաքննության ժամանակ հայտնաբերված անհամապատասխանությունների քանակը և այլն:

4.7.3 Տրամաչափարկման լաբորատորիայի գնահատումն իրականացնելու համար ՀԱՄ-ը կիրառում է հետևյալ մեթոդները՝

- **տեղում գնահատում**՝ տրամաչափարկման լաբորատորիայի գլխավոր գրասենյակում և ցանկացած գործող միավորներում կամ մասնաճյուղերում, որտեղ իրականացվում է համապատասխանության գնահատման գործունեությունը: Տեղում գնահատման ընթացքում գնահատվում է կառավարման համակարգը և տրամաչափարկման գործընթացը: Տեղում գնահատման արդյունքում կազմվում է հաշվետվություն՝ համաձայն ACL-01-R և ACL-01-AR հավելվածների,

- **հեռավար գնահատում**՝ լաբորատորիայի գնահատում ըստ գործունեության իրականացման կամ վիրտուալ վայրի, էլեկտրոնային կապի միջոցների կիրառմամբ:

Հեռավար գնահատումն իրականացվում է բացառիկ դեպքերում, օրինակ՝ անհաղթահարելի ուժի ազդեցությունների (ՖՈՐՍ-ՄԱԺՈՐ), համաճարակային հիվանդությունների, գնահատողի/տեխնիկական փորձագետի տեղում մասնակցության անհնարինության և այլ հիմնավորված դեպքերում:

- **նմուշների տրամաչափարկման գործունեությանը հետևում** (witnessing)՝ ՀԱՄ-ի կողմից հավատարմագրման ոլորտի սահմաններում տրամաչափարկման լաբորատորիայի համապատասխանության գնահատման գործունեությանը հետևում իր սեփական տարածքում և հայտատուի տարածքում,

- **գրառումների (գործի) վերլուծություն**՝ գրառումների (գործի) վերլուծություն՝ տրամաչափարկման լաբորատորիայի հաշվետվությունների,



սերտիֆիկատների և համապատասխան փաստաթղթերի (թղթային և/կամ ֆայլային) ստուգում:

Գրառումների (գործի) վերլուծությունը ընտրված ներկայացուցչական նմուշի (սերտիֆիկատներ) գնահատումն է բոլոր տեսանկյուններից,

- **փաստաթղթերի վերլուծություն՝** ՀԳՄ-ի փաստաթղթերի ստուգում:

Փաստաթղթերի վերլուծությունը կիրառվում է ՀԳՄ-ի կառավարման համակարգի տարրերի գործառնության արդյունավետությունը գնահատելու համար,

- **որակավորման ստուգման և այլ միջլաբորատոր համեմատությունների իրականացման վերլուծություն՝** PT պրովայդերի կամ այլ լաբորատորիաների հետ միջլաբորատոր համեմատությունների միջոցով տրամաչափարկման արդյունքների գնահատում,

- **չափման աուդիտներ՝** տրամաչափարկման լաբորատորիայի կողմից իրականացված չափման արդյունքների գնահատում,

- **վալիդացման աուդիտներ՝** լաբորատորիայի կողմից իրականացրած մեթոդների վալիդացման արդյունքների գնահատում,

- **հարցազրույցների վարում՝** լաբորատորիայի աշխատակիցների հետ հարցազրույց:

4.7.4 Տրամաչափարկման լաբորատորիային հավատարմագրելով ՀԱՄ-ը հավաստում է, որ տվյալ լաբորատորիան կատարում է հավատարմագրման պահանջները՝ ներառյալ տրամաչափարկման մեթոդներին ներկայացվող պահանջները, տեխնիկական սարքավորումները, անձնակազմի որակավորումը և ապահովում է չափման արդյունքների հետևելիությունը ազգային և միջազգային ելակետային չափանմուշների (էտալոնների) հետ:

4.7.5 Հավատարմագրման գործընթացի ժամանակ ՀԱՄ-ը գնահատում է լաբորատորիայի կառավարման համակարգը և տեխնիկական գործունեությունը: Կառավարման համակարգի գնահատումը ներառում է տրամաչափարկման լաբորատորիայում ներդրված փաստաթղթերի և համապատասխան գրառումների ուսումնասիրությունը:

4.7.6 Եթե տրամաչափարկման լաբորատորիան հրաժարվում է տրամաչափարկման ընթացակարգերը ներկայացնել ՀԱՄ, ապա տեղում գնահատման ժամանակահատվածը երկարացվում է, որպեսզի գնահատողները/փորձագետները տեղում ուսումնասիրեն այդ փաստաթղթերը:

4.7.7 Տեղում գնահատման ընթացքում իրականացվում է տրամաչափարկողի գործունեության հետևում՝ տրամաչափարկման արդյունքների ճշտությունը, ինչպես նաև անձնակազմի իրազեկությունը ստուգելու համար, որի արդյունքում կազմվում է հաշվետվություն՝ համաձայն ACL-01-CWR հավելվածի և կցվում վերջնական հաշվետվությանը:

Գնահատման ընթացքում գնահատողները/փորձագետները կարող են տրամաչափարկողից պահանջել կրկնել չափումները արդեն իսկ տրամաչափարկված նմուշի վրա (օրինակ, հաճախորդի համար), որպեսզի հնարավոր լինի համեմատել կատարված երկու չափումների արդյունքում ստացված արդյունքները:

4.7.8 Երբ լաբորատորիան կատարում է ներքին տրամաչափարկում, ապա պետք է համապատասխանի PL-06, ILAC-P10 փաստաթղթերով սահմանված պահանջներին: Ներքին տրամաչափարկում իրականացնելու համար լաբորատորիայի իրազեկությունը գնահատում է տեխնիկական գնահատողը/փորձագետը ըստ գործունեության իրականացման վայրի գնահատման ժամանակ: Այդ գնահատումը իրականացվում է առաջին հավատարմագրման կամ առաջին պարբերական գնահատման ժամանակ:

Ներքին տրամաչափարկումներն իրականացվում են.

- համապատասխան կրթությամբ, վերապատրաստված և որակավորված/լիցենզավորված տրամաչափարկման լաբորատորիայի կամ այն կազմակերպության իրավասու անձնակազմի կողմից, որին պատկանում է այդ տրամաչափարկման լաբորատորիան,

- տրամաչափարկման լաբորատորիայի կամ կազմակերպության, որին պատկանում է տրամաչափարկման լաբորատորիան, սարքերով կամ էտալոններով,

որոնք տրամաչափարկված են՝ չափագիտական հետևելիությունն ապահովելու նպատակով,

- տվյալ տեսակի տրամաչափարկումն իրականացնելու համար համապատասխան շրջակա միջավայրում,

- ԱՐՄՆԱԲ-ի կողմից գնահատված տրամաչափարկման ընթացակարգին համապատասխան:

Ներքին տրամաչափարկման արդյունքները պետք է.

- ուղեկցվեն չափման անորոշությամբ,
- արտացոլվեն տրամաչափարկման հաշվետվության մեջ՝ համաձայն ԳՕՍՏ ԻՍՕ/ԻԷԿ 17025-2019 ստանդարտի 7.8 կետի:

4.7.9 Եթե կազմակերպությունը ներկայացնում է յուրաքանչյուր տեխնիկական ստորաբաժանման/գործունեության իրականացման վայրերի համար առանձին հավատարմագրման հայտ, ապա կարելի է իրականացնել համատեղ (միացյալ) գնահատում: Համատեղ գնահատումն իրականացնում են այն պայմանով, որ կառավարման համակարգի վարչական և որակի մասը սահմանված է կազմակերպության ընդհանուր փաստաթղթերում: Տեխնիկական ստորաբաժանումների տեխնիկական ոլորտները կարող են առանձին նկարագրվել: Գնահատումն իրականացվում է բոլոր տեխնիկական ստորաբաժանումներում:

4.7.10 Գնահատման ընթացքը, ինչպես նաև անհամապատասխանությունների հայտնաբերումն ու դասակարգումը սահմանված է PR-7 ընթացակարգում:

#### **4.8 Հավատարմագրման վերաբերյալ որոշման կայացումը**

Հավատարմագրման վերաբերյալ որոշման կայացման և հավատարմագրման վկայականի ու ոլորտի տրամադրման գործընթացը սահմանված է PR-7 ընթացակարգում:

## 5 Գնահատումները

### 5.1 Պարբերական գնահատումը

5.1.1 Պարբերական գնահատման ընթացակարգը սահմանված է PR-7-ում՝ հաշվի առնելով ներքոհիշյալ պահանջները:

5.1.2 Նախքան պլանավորված պարբերական գնահատումը տրամաչափարկման լաբորատորիան առնվազն 10 աշխատանքային օր առաջ պետք է էլեկտրոնային փոստով ԱՐՄՆԱԲ-ին ուղարկի հետևյալ փաստաթղթերը՝

- փոփոխված փաստաթղթերի ցանկը և փաստաթղթերը (թղթային և էլեկտրոնային տարբերակով),

- տեղեկատվություն հավատարմագրման ոլորտի շրջանակներում կատարված տրամաչափարկումների քանակների և որակավորման ստուգումներին/միջլաբորատոր համեմատություններին (PT/ILC) մասնակցության վերաբերյալ՝ հաշված նախորդ գնահատումից՝ համաձայն Բ հավելվածով սահմանված ձևաչափի:

5.1.3 Պարբերական գնահատման ծրագիրը կազմելիս գնահատման խմբի ղեկավարը իրականացնում է ռիսկերի վերլուծություն՝ հաշվի առնելով նախորդ գնահատումների արդյունքները այնպես, որ հավատարմագրման ցիկլի ընթացքում գնահատվեն տրամաչափարկման լաբորատորիայի կառավարման համակարգը և հավատարմագրման ոլորտը:

Ներկայացուցչական նմուշն ընտվում է համաձայն սույն փաստաթղթի 4.6.3 կետի:

**Ծանոթություն 1. Հավատարմագրման ցիկլում գնահատումները պլանավորելիս ընտրվում են այն անձինք, ովքեր նախորդ գնահատումների ընթացքում չեն գնահատվել գործունեությանը հեղինակություն տրամաչափարկում:**

**Ծանոթություն 2. Եթե տրամաչափարկման լաբորատորիան իր գործունեությունն իրականացնում է տարբեր հասցեներում (մասնաճյուղերում), ապա պարբերական գնահատումներն իրականացվում են գլխավոր գրասենյակում և բոլոր մասնաճյուղերում: Հավատարմագրման ցիկլում պետք է գնահատվեն բոլոր մասնաճյուղերը:**

5.1.4 Պարբերական գնահատման ժամանակահատվածը (օր/մարդ) որոշվում է համաձայն կառավարման համակարգով սահմանված ընթացակարգերի քանակի, տրամաչափարկման օբյեկտի, տրամաչափարկման մեթոդների, գնահատման ենթակա վայրերի քանակի, անձնակազմի քանակի և այլ գործոններ, օրինակ՝ նախորդ գնահատումների ժամանակ հայտնաբերված անհամապատասխանությունները, ստացված գանգատները, հավատարմագրման ոլորտի ընդլայնումը, կրճատումը, կասեցումը, ՀԳՄ-ի գործունեության վայրի հեռավորությունը և այլն:

## **5.2 Արտահերթ գնահատումները**

Արտահերթ գնահատման ընթացակարգը սահմանված է PR-7-ում:

## **5.3 Համապատասխան որոշման կայացումը**

Պարբերական/արտահերթ գնահատման արդյունքների հիման վրա ՀԿ-ն ընդունում է հավատարմագրումը պահպանելու, կրճատելու, ընդլայնելու, վերականգնելու, կասեցնելու, դադարեցնելու վերաբերյալ որոշում:

## **5.4 Հավատարմագրման չափանիշների փոփոխությունը, այդ թվում՝ հավատարմագրման նոր ստանդարտին անցումը**

Եթե հավատարմագրման ստանդարտը արդիականացվում կամ փոփոխվում է, ապա տրամաչափարկման լաբորատորիան պարտավոր է ցուցադրել, որ ունի համապատասխան ընթացակարգ և իրազեկություն նոր/փոփոխված ստանդարտով սահմանված գործունեությունն իրականացնելու համար:

Հավատարմագրման չափանիշների փոփոխության հետևանքով գնահատման ընթացակարգը սահմանված է PR-7-ում:

# **6 Վերահավատարմագրումը (հետագա հավատարմագրումը)**

6.1 Վերահավատարմագրման ընթացակարգը սահմանված է PR-7-ում՝ հաշվի առնելով ներքոհիշյալ պահանջները՝

- վերագնահատման ժամանակահատվածը (օր/մարդ) որոշվում է համաձայն մեթոդի այնպիսի առանձնահատկությունների, ինչպիսիք են վերագնահատման ենթակա տրամաչափարկման մեթոդների, տրամաչափարկման օբյեկտների

քանակը, գնահատման ենթակա վայրերի քանակը, նախորդ գնահատումների արդյունքները, ստացված գանգատները, ՀԳՄ-ի գործունեության վայրի հեռավորությունը և այլն:

## **6.2 Վերահատարմագրման վերաբերյալ որոշման կայացումը**

Վերահատարմագրման վերաբերյալ որոշման կայացման և հավատարմագրման վկայականի ու ոլորտի տրամադրման գործընթացը սահմանված է PR-7 ընթացակարգում:

# **7 Հավատարմագրման ոլորտի ընդլայնումը, արդիականացումը, կրճատումը, հավատարմագրման կասեցումը և դադարեցումը**

## **7.1 Հավատարմագրման ոլորտի ընդլայնումը**

7.1.1 Տրամաչափարկման լաբորատորիան հավատարմագրման ոլորտի ընդլայնման նպատակով ԱՐՄՆԱԲ-ին է ներկայացնում հավատարմագրման ընդլայնման հայտը և կից փաստաթղթերը, որոնց ձևաչափերը տեղադրված են ԱՐՄՆԱԲ-ի կայքում: Անհրաժեշտ տվյալների ու փաստաթղթերի բացակայության կամ թերի լինելու դեպքում ԱՐՄՆԱԲ-ը կարող է պահանջել լրացուցիչ փաստաթղթեր:

7.1.2 Հավատարմագրման ոլորտի ընդլայնման գործընթացի պլանավորումը և գնահատումը կատարվում է այնպես, ինչպես հավատարմագրման գործընթացը՝ համաձայն PR-7-ի և PR-7.10-7.11-ի:

7.1.3 Տրամաչափարկման լաբորատորիան իրավունք ունի վկայակոչել իր հավատարմագրված լինելը միայն ընդլայնված ոլորտը հավատարմագրելուց հետո:

7.1.4 Հավատարմագրման ոլորտի ընդլայնման գործընթացը կարող է համատեղվել տրամաչափարկման լաբորատորիայի պարբերական գնահատման հետ: Այս դեպքում տրամաչափարկման լաբորատորիան հայտը ներկայացնում է նշված գնահատումից առնվազն 2 ամիս առաջ:

7.1.5 Հավատարմագրման ոլորտի ընդլայնման վավերականության ժամկետ է սահմանվում տրամաչափարկման լաբորատորիայի հավատարմագրման ժամկետի ավարտը:

7.1.6 Հավատարմագրման կասեցման ժամանակահատվածում կամ հավատարմագրման պայմանագրով սահմանված պարտավորությունները չկատարելու դեպքում տրամաչափարկման լաբորատորիան չի կարող ներկայացնել հավատարմագրման ընդլայնման, ինչպես նաև վերահավատարմագրման հայտ:

7.1.7 Հավատարմագրման ընդլայնման դեպքում իրականացվում է հավատարմագրման վկայագրի վերաձևակերպում: Հավատարմագրման վկայագրին կցվում է հավատարմագրման ոլորտի ընդլայնման վերաբերյալ կամ փոփոխված հավատարմագրման ոլորտի հավելվածը անհրաժեշտ է ճշտել, ինչի մասին համապատասխան նշում է կատարվում հավատարմագրված ՀԳՄ-ների ռեեստրում և գրանցամատյանում՝ համաձայն Ա հավելվածի:

## **7.2 Հավատարմագրման ոլորտի արդիականացումը**

7.2.1 Տրամաչափարկման լաբորատորիան հավատարմագրման ոլորտի արդիականացման համար ԱՐՄՆԱԲ-ին է ներկայացնում արդիականացման ենթակա հավատարմագրման ոլորտը և կից փաստաթղթերը: Արդիականացման գործընթացի ժամանակ տեղում գնահատում չի իրականացվում: Արդիականացման գործընթացը սահմանված է PR-03 և PR-7 ընթացակարգերում:

## **7.3 Հավատարմագրման ոլորտի կրճատումը**

7.3.1 Հավատարմագրման կրճատումը կատարվում է համաձայն PR-7.10-7.11 և PR-7 ընթացակարգերի՝

- ՀԳՄ-ի դիմումի համաձայն,
- հավատարմագրման կասեցման հիմքերը սահմանված ժամկետում չվերացնելու դեպքում,
- պարբերական/արտահերթ գնահատման, գործունեությանը հետևելու արդյունքում:

7.3.2 Հավատարմագրման կրճատման դեպքում իրականացվում է հավատարմագրման վկայագրի վերաձևակերպում: Հավատարմագրման վկայագրին կցվում է կրճատված հավատարմագրման ոլորտը, ինչի մասին համապատասխան նշում է կատարվում հավատարմագրված ՀԳՄ-ների ռեեստրում և գրանցամատյանում՝ համաձայն Ա հավելվածի:

#### **7.4 Հավատարմագրման կասեցումը, դադարեցումը**

7.4.1 Հավատարմագրման կասեցման և դադարեցման հիմքերը ու ընթացակարգը սահմանված է PR-7 ընթացակարգում:

#### **7.5 Հավատարմագրման վերականգնումը**

7.5.1 Հավատարմագրման կասեցումից հետո հավատարմագրումը վերականգնվում է արտահերթ կամ պարբերական գնահատման միջոցով՝ իրականացնելով հետևյալ գործընթացներից մեկը կամ մի քանիսը.

- փաստաթղթերի փորձաքննություն,
- տեղում գնահատում,
- գործունեության հետևում:

7.5.2 Հավատարմագրման վերականգման ընթացակարգը սահմանված է PR-7 ընթացակարգում:

### **8. Բողոքարկումը և գանգատները**

Բողոքարկման քննարկման ընթացակարգը սահմանված է K-04 կարգում, իսկ գանգատներին՝ PR-7.12 ընթացակարգում, որոնք տեղադրված են [www.armnab.am](http://www.armnab.am) կայքում:

### **9. Տրամաչափարկման լաբորատորիայի և ԱՐՄՆԱԲ-ի պարտավորությունները**

9.1 Պարտավորությունները սահմանված են տրամաչափարկման լաբորատորիայի և ԱՐՄՆԱԲ-ի միջև կնքվող Մինչհավատարմագրման,



Հավատարմագրման պայմանագրերում, ինչպես նաև սույն փաստաթղթի 5-րդ բաժնում:

9.2 ԱՐՄՆԱԲ-ի և հավատարմագրված կամ հավատարմագրմանը հավակնող տրամաչափարկման լաբորատորիայի, կամ տրամաչափարկման լաբորատորիայի և հայտատուի միջև հարաբերություններին վերաբերող ողջ տեղեկատվությունը պետք է լինի գաղտնի, ուստի ԱՐՄՆԱԲ-ը տրամաչափարկման լաբորատորիայի վերաբերյալ տեղեկատվություն է տրամադրում երրորդ կողմին, եթե՝

- տեղեկատվության հրապարակումը նախատեսված է հավատարմագրման կամ սերտիֆիկացման ստանդարտներով/կանոններով,
- սահմանված է օրենքով կամ լիազոր մարմինների կողմից,
- հարցումը իր հիմնավորմամբ ԱՐՄՆԱԲ-ին է ուղարկվում ԵԱՏՄ, EA, ILAC հավատարմագրման կազմակերպություններին ստորագրող կողմ հանդիսացող մեկ այլ հավատարմագրման մարմնի կողմից,
- տեղեկատվության տրամադրումն իրականացվում է բոլոր ներգրավված կողմերի բացահայտ և միաձայն համաձայնությամբ: